

“SOLIQCHI - KO’MAKCHI” TAMOYILI – AMALDA

“Soliq va bojxona qonunchiligi takomillashtirilishi munosabati bilan O’zbekiston Respublikasining ayrim qonun hujjalariiga qo’shimcha va o’zgartishlar kiritish to’g’risida”gi O’RQ-785-son Qonun bilan Soliq kodeksiga qator o’zgartirishlar kiritildi.



Aholi va tadbirkorlik sub'ektlarini har tomonlama qo’llab-quvvatlash maqsadida qabul qilingan mazkur qonunga asosan qator soliq imtiyozlari joriy etildi.

Xususan, chakana savdo, umumiy ovqatlanish, mehmonxona, yo’lovchi va yuk tashish, avtotransportlarni ta’mirlash kabi xizmat ko’rsatish sohasida faoliyat olib boruvchi tadbirkorlar uchun 2022 yil 1 apreldan 2025 yildan 1 yanvarga qadar ijtimoiy soliq stavkasi 1 foiz (amalda 12%) etib belgilandi.

Shuningdek, charm, mo’yna xom ashyosi va junni qayta tayyorlash, qoramolni avtomatlashtirilgan tarzda so’yish, jun, qorako’l va sun’iy charmidan buyumlar, charm-attorlik mahsulotlari, poyabzal ishlab chiqarish bilan shug’ullanuvchi soliq to’lovchilar 2023 yil 1 yanvardan 2026 yil 1 yanvargacha foyda, aylanmadan olinadigan va mol-mulk solig’ini to’lashdan ozod qilindi.

Albatta, berilayotgan soliq imtiyozlari tadbirkorlik sub'ektlariga qo’shimcha imkoniyatlar yaratadi, sohani rivojlanishiga ijobiy ta’sir ko’rsatadi.

Shu o’rinda tadbirkorlarni har tomonlama qo’llab-quvvatlash maqsadida “Soliqchi-ko’makchi” tamoyili asosida Oltiarik tumani davlat soliq inspeksiysi xodimlari tomonidan amalga oshirilayotgan ishlarga to’xtalib o’tmoqchiman.

Ayni paytda muntazam ravishda tadbirkorlar bilan turli ochiq muloqot va uchrashuvlar tashkil etilmoqda, muammolar o’rganilib ijobiy hal etish choralar ko’rilmoxda. Shuningdek, tadbirkorlik faoliyatini amalga oshirish uchun muhim bo’lgan qator yo’nalishlarni belgilab olgan holda amaliy yordamlar ko’rsatilmoqda.

Xususan, 2022 yil yanvar-iyul oyi davomida Oltiarik tumani DSI tomonidan 1261 ta tadbirkorlik sub'ektlarini qiynayotgan muammolari o’rganildi. Mazkur jarayon davomida ko’maklashish zarur bo’lgan 1158 ta tadbirkorlik sub'ektlariga dastlabki buxgalteriyasini yuritish, qulay soliq rejimini tanlash, soliq imtiyozlari va ularni qo’llash tartibini tushuntirish, ortiqcha QQS to’lovlarini qaytarish kabi masalalar yuzasidan amaliy yordamlar ko’rsatildi.

Biz, soliq idoralari xodimlari tadbirkorlar bilan hamkorlikda ishlashga, soliq qonunchiligiga oid zarur yordamlarni ko’rsatishga hamisha tayyormiz.

I.Sultonov,

Oltiarik tumani davlat soliq inspeksiysi boshlig’i.

Bizni ijtimoiy tarmoqlarda kuzating

[Facebook](#) | [Telegram](#) | [Telegram murojaat](#)

2022-08-04 16:13:23